

Cymorth os ydych yn chwilio am waith

Budd-daliadau a
chymorth y gallech
eu cael os ydych yn
chwilio am waith

DWP

Adran Gwaith
a Phensiynau

Mae cael y wybodaeth a'r help cywir pan fyddwch yn chwilio am waith yn hanfodol. Mae'r daflen hon yn sôn am y cymorth y gallech ei gael. Nid yw'n mynd i fanylion, ond mae'n egluro o ble y gallwch gael rhagor o wybodaeth a phwy i gysylltu ag ef. Efallai y gall sefydliadau eraill hefyd eich helpu.

Lwfans Ceisio Gwaith

Lwfans Ceisio Gwaith yw'r prif fudd-dal a delir i chi os ydych yn ddi-waith ac yn chwilio am waith. Er mwyn ei gael mae'n rhaid i chi fod:

- yn chwilio am waith
- ar gael fel arfer i weithio am o leiaf 40 awr yr wythnos
- dros 18 oed ac o dan oedran Pensiwn y Wladwriaeth, ac
- yn byw ym Mhrydain Fawr.

Rhaid eich bod wedi talu digon o gyfraniadau Yswiriant Gwladol, neu fod gennych lai na therfyn penodol o incwm/cynilion.

Os ydych yn cael pensiwn galwedigaethol neu bensiwn personol, efallai y bydd yn effeithio ar faint o Lwfans Ceisio Gwaith a gewch.



Gwneud cais ar-lein yn
www.direct.gov.uk/lcgar-lein



Gwneud cais dros y ffôn
0800 012 1888

Pan fyddwch yn gwneud cais bydd angen i chi gael y canlynol wrth law:

- eich rhif Yswiriant Gwladol
- manylion eich cyfrif banc
- manylion eich rhent neu forgais
- manylion eich cyn-gyflogwr neu eich cyflogwr presennol
- manylion am unrhyw incwm arall a chynilion
- manylion am eich partner (os oes gennych un).

Help gyda chostau tai

Efallai bod gennych hawl i gael help arall, gan gynnwys cymorth gyda'ch morgais, rhent neu gostau treth cyngor. I weld pa gymorth y gallech gael ewch i **www.direct.gov.uk/cynghoryddbudd-daliadau**

Credydau treth

Os ydych yn cael credydau treth a'ch bod yn rhoi'r gorau i weithio, rhaid i chi roi gwybod i'r swyddfa Credyd Treth.



Gallwch gael rhagor o wybodaeth yn
www.direct.gov.uk/credydautreth



Llinell Gymorth **0845 300 3900**

Dod o hyd i swydd

Mae llawer o gyflogwyr bellach yn hysbysebu swyddi gwag ar-lein ac yn gofyn i chi wneud cais ar-lein. Er mwyn cael gwybodaeth am y swyddi gwag diweddaraf, sicrhewch eich bod yn:

- defnyddio'r rhyngrwyd
- cael eich cyfeiriad e-bost eich hun, ac
- gwybod sut i ddod o hyd i swyddi gwag a chwblhau ceisiadau ar-lein.

Mae gan y Ganolfan Byd Gwaith fanylion am nifer o swyddi.
Gallwch chwilio ar-lein neu dros y ffôn.



Chwilio ar-lein yn
www.direct.gov.uk/chwiliadgwaith



Ffôn **0845 606 7890**

Gallwch ddod o hyd i lawer o adnoddau eraill ar-lein i'ch helpu i ddychwelyd i'r gwaith. Gallai fod yn gyngor ar ysgrifennu CV, cynllunio gyrfa, help gyda gofal plant, neu sut i ddod yn hunangyflogedig.



Gallwch gael rhagor o wybodaeth yn
www.direct.gov.uk/ceiswyrsgwaith

Ffonau testun

Os oes gennych ffôn testun am na allwch siarad neu glywed yn dda, mae rhifau gwahanol ar gyfer pob gwasanaeth a restrir yn y daflen hon. Nid yw'r rhifau hyn yn derbyn galwadau llais na negeseuon testun o ffonau symudol.

Gwneud cais am Lwfans Ceisio Gwaith Ffôn Testun **0800 023 4888**

Llinell gymorth credydau treth Ffôn Testun **0845 300 3909**

Dod o hyd i swydd Ffôn Testun **0845 604 4022**

Mae gennym hefyd daflenni gwybodaeth sylfaenol sy'n cwmpasu:

- Cymorth os ydych yn sâl neu'n anabl
- Cymorth ar gyfer gofalwyr
- Cymorth i rieni a gwarcheidwaid
- Cymorth yn dilyn marwolaeth
- Cymorth os ydych yn ystyried ymddeol.

Mae'r wybodaeth hon mewn fformatau eraill ar gais.

Os na allwch ddefnyddio'r rhyngrwyd, gallwch ffonio am daflen fanylach.



Ffôn **0845 606 5065**

Ffôn Testun **0845 604 0210**

Cost galwadau

Mae galwadau i rifau 0800 yn y daflen hon am ddim o linellau daear BT a'r rhan fwyaf o ffonau symudol.

Ni ddylai galwadau i rifau 0845 o linellau daear BT gostio mwy na 7c y funud a 11c am sefydlu'r alwad. Efallai y byddwch yn talu mwy os defnyddiwch gwmni ffôn arall neu ffôn symudol. Gall galwadau o ffonau symudol gostio hyd at 40c y funud, felly holwch eich darparwr gwasanaeth am gost galwadau. Roedd y prisiau'n gywir ar y dyddiad isod.

Canllaw yn unig yw'r daflen hon ac nid yw'n cwmpasu'r holl amgylchiadau a all godi. Rydym wedi gwneud ein gorau i sicrhau bod y daflen yn gywir ar y dyddiad isod. Mae'n bosibl y bydd rhywfaint o'r wybodaeth wedi'i gorsymleiddio neu'n dod yn llai cywir dros amser, er enghraifft oherwydd newidiadau i'r gyfraith. Rydym yn argymhell eich bod yn cael cyngor annibynnol cyn gwneud penderfyniadau ariannol ar sail y daflen hon.

Nod y Ganolfan Byd Gwaith yw darparu gwasanaeth o safon uchel i'w holl gwsmeriaid. Gallwch gael rhagor o wybodaeth yn ein Siarter Cwsmeriaid yn www.direct.gov.uk/siarterdwp